

მომსახურების მიღების წესი, ანგარიშსწორების პირობები და ვადები

1. ხელშეკრულების კონტროლის (ინსპექტირების) განმახორციელებელი პირის (ჯგუფის) შეტყობინების საფუძველზე მიმწოდებელი ადგენს დეფექტურ აქტს, რომელსაც ხელს აწერს მიმწოდებელი და შემსყიდველის რეგიონალური სამსახურის ტრანსპორტის უზრუნველყოფის განყოფილების თანამშრომელი - შემდგომში „პასუხისმგებელი პირი“ ან ავტო-ტრანსპორტის განყოფილების უზრუნველყოფის თანამშრომელი ან/და ავტომობილზე მიმაგრებული მძღოლი - ასეთის არსებობის შემთხვევაში (შემდგომში - მძღოლი).
2. შეტყობინების ფარგლებში დეფექტური აქტის შესადგენად გადაადგილების მანძილი იანგარიშება უახლოესი სერვისცენტრიდან (მხოლოდ ერთი მისვლის - ერთი მიმართულება).
3. შეტყობინების ფარგლებში მიმწოდებლის მიერ ავტომობილის შეკეთების მომსახურების გაწევისას, გადაადგილების მანძილი იანგარიშება უახლოესი სერვისცენტრიდან (მხოლოდ ერთი მისვლის - ერთი მიმართულება).
4. ხელშეკრულებით გათვალისწინებული ავტომობილის, მიმწოდებლის მიერ, სერვისცენტრ(ებ)ში ავტომობილების ტრანსპორტირების მანძილი იანგარიშება ავტომობილის ლოკაციის ადგილიდან უახლოესი სერვისცენტრის მდებარეობამდე (მხოლოდ ერთი მიმართულება).
5. ხელშეკრულების შესრულების კონტროლის (ინსპექტირების) განმახორციელებელი პირი (ჯგუფი), ავტომობილის გეგმიური ან/და არაგეგმიური ტექნიკური მომსახურების საჭიროების შესახებ აცნობებს კონტრაქტორთან.
6. ავტომობილის გეგმიური და/ან არაგეგმიური ტექნიკური მომსახურების შესახებ შეტყობინების გაგზავნიდან არაუგვიანეს 3 (სამი) სამუშაო დღის ვადაში მიმწოდებელი შემსყიდველს წარუდგენს დეფექტური აქტის შესაბამისად შედგენილ ინვოისს.
7. პრეისკურანტში მომსახურების ან/და საქონლის არარსებობის შემთხვევაში აღნიშნულის ფასი დგინდება კომპანიისა და კონტრაქტორის შეთანხმებით საბაზრო ფასის გათვალისწინებით, ბაზრის კვლევის შედეგების საფუძველზე. შეთანხმების აქტს კომპანიის მხრიდან ხელს აწერს ხელშეკრულების შესრულების კონტროლის (ინსპექტირების) განმახორციელებელი პირი (ჯგუფი).
8. ავტომობილის რემონტის დასრულების შემდეგ დგება ფაქტიურად შესრულებული სამუშაოების აქტი, რომელსაც ხელს აწერს მიმწოდებლის წარმომადგენელი, ავტომობილზე მიმაგრებული მძღოლი (ასეთის არსებობის შემთხვევაში) ან პასუხისმგებელი პირი.
9. ფაქტიურად შესრულებული სამუშაოების აქტის გაფორმებამდე მიმწოდებელი ვალდებულია ავტომობილის შეკეთებისას შეცვლილი მასალები (აგრეგატები, დეტალები, ცვეთადი მასალები და საბურავები) გადასცეს პასუხისმგებელ პირს/მძღოლს, წინააღმდეგ შემთხვევაში პასუხისმგებელი პირი/მძღოლი არ გააფორმებს მიმწოდებელთან ფაქტიურად შესრულებული სამუშაოების აქტს.
10. ფაქტიურად შესრულებული სამუშაოების აქტის საფუძველზე შემსყიდველსა და მიმწოდებელს შორის დგება მიღება-ჩაბარების აქტი. მიღება-ჩაბარების აქტს, კომპანიის მხრიდან, ხელს აწერს ხელშეკრულების შესრულების კონტროლის (ინსპექტირების) განმახორციელებელი პირი (ჯგუფი).
11. ამ დანართის პირველი მუხლიდან მე-6 მუხლის ჩათვლით გათვალისწინებული მოთხოვნები არ ეხება საბურავების დაზიანების აღმოფხვრისათვის საჭირო მომსახურების გაწევას. ამ შემთხვევაში მიმწოდებელი შემსყიდველს გადასცემს დეფექტურ აქტსა და ინვოისს საბურავის მოწოდებისთანავე.
12. ანგარიშსწორება განხორციელდება უნაღდო ანგარიშწორების ფორმით.
13. ანგარიშსწორება განხორციელდება ეტაპობრივად, გაწეული მომსახურების შესაბამისად გაფორმებული მიღება-ჩაბარების აქტისა და საგადასახადო ანგარიშ-ფაქტურის (იმ შემთხვევაში, თუ მიმწოდებელი არ არის დღგ-ს გადამხდელი, მის მიერ წარმოდგენილი უნდა იქნეს ცნობა საგადასახადო ინსპექციიდან დღგ-ს არგადამხდელის შესახებ) წარდგენის საფუძველზე, 10 სამუშაო დღეში.